



Na osnovu člana 2.9 stav (1) tačka 9. i člana 5.29 i 5.29a Izbornog zakona Bosne i Hercegovine («Službeni glasnik BiH», br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), Centralna izborna komisija Bosne i Hercegovine je na 1. sjednici, održanoj 03.01.2021. godine, donijela

**ODLUKU**  
**o utvrđivanju i objavljivanju rezultata Lokalnih izbora**  
**2020. godine u Gradu Mostaru**

**Član 1.**

Centralna izborna komisija Bosne i Hercegovine utvrđuje i objavljuje rezultate Lokalnih izbora 2020. godine u Gradu Mostaru za izbor vijećnika u Gradsko vijeće Grada Mostara u koji se bira 35 vijećnika u skladu sa članom 19.4 Izbornog zakona Bosne i Hercegovine.

**Član 2.**

Sastavni dio ove odluke je detaljan tabelarni prikaz rezultata glasanja za nivo gradske izborne jedinice-199, za nivo šest izbornih jedinica gradskog područja, po biračkim mjestima, političkim subjektima i kandidatima.

**Član 3.**

Minimalna i maksimalna zastupljenost konstitutivnih naroda i grupe ostalih u Gradskom vijeću Grada Mostara, propisana članom 19.4 stav (1) i (2) Izbornog zakona Bosne i Hercegovine je ispoštovana na način da je izvršena preraspodjela mandata i to:

- a) u skladu sa članom 19.5 stav (1) tačka a) Izbornog zakona Bosne i Hercegovine je iz gradske izborne jedinice 199 u okviru istog političkog subjekta (00027) HDZ-BiH-HRVATSKA DEMOKRATSKA ZAJEDNICA BiH, dodjeljen mandat Kovačević Miljani iz reda srpskog naroda umjesto Knezović Damiru iz reda hrvatskog naroda, a prema izjavama iz člana 4.19 Izbornog zakona Bosne i Hercegovine i
- b) u skladu sa članom 19.6 stav (1) tačka a) Izbornog zakona Bosne i Hercegovine je iz gradske izborne jedinice 199 u okviru istog političkog subjekta (03029) BH BLOK MOSTAR-SDP BiH, NAŠA STRANKA dodjeljen mandat Gosto Adeli iz reda bošnjačkog naroda umjesto Đermanović Saši iz reda hrvatskog naroda, a prema izjavama iz člana 4.19 Izbornog zakona Bosne i Hercegovine.

**Član 4.**

(1) Nakon utvrđivanja i objavljivanja izbornih rezultata, Centralnoj izbornoj komisiji Bosne i Hercegovine može se podnijeti zahtjev za ponovno brojanje glasačkih listića u roku od tri dana od dana utvrđivanja i objavljivanja izbornih rezultata iz člana 1. i 2. ove odluke, na način, u formi i pod uslovima kako je propisano odredbama člana 5.30 Izbornog zakona Bosne i Hercegovine, kao i prigovor na tačnost objavljenih rezultata izbora u roku 24 sata.

(2) Zahtjev za ponovno brojanje glasačkih listića i prigovor podnose se isključivo putem faks aparata na broj 033/251-329, elektronskom poštom na e-mail adresu [zzov@izbori.ba](mailto:zzov@izbori.ba) ili neposredno u sjedištu Centralne izborne komisije Bosne i Hercegovine, Ulica Danijela Ozme broj 7 Sarajevo.

### Član 5.

Ova odluka stupa na snagu danom donošenja i objavit će se 03.01.2021. godine u 18,00 sati na internet-stranici Centralne izborne komisije Bosne i Hercegovine [www.izbori.ba](http://www.izbori.ba), i smatrat će se da je danom objavljivanja ista dostavljena svim učesnicima u izbornom procesu.

**PRAVNA POUKA:** Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove odluke.

Žalba se podnosi preko Centralne izborne komisije Bosne i Hercegovine i dostavlja se na isti način kako je utvrđeno u članu 4. stav (2) ove odluke za dostavljanje zahtjeva za ponovno brojanje glasačkih listića i prigovor.

Broj: 05-1-07-1-1/21  
Sarajevo, 03.01.2021. godine

